

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1707062433, 1707078349, 1707108627 և 1707113505 որոշումներն անփոփոխ, իսկ վարչական բողոքն առանց բավարարման թողնելու մասին

<<15>> 12 2017թ. 12 - 4 - 25453 - 12/12 - 4 - 1266 ք. Երևան

ՀՀ ոստիկանության Ճանապարհային ոստիկանության պետ, ոստիկանության գնդապետ Ե. Կարապետյան, վերանայելով Հրանտ Պարագյանի դիմումի քննարկման արդյունքում ստեղծված նյութերը

Պ Ա Ր Ձ Ե Ց Ի

Երևան քաղաքի Դավիթաշեն 1 թաղամասի 49 շենքի 7 բնակարանի բնակիչ Հրանտ Պարագյանը դիմումով խնդրել է վերանայել վարչական տույժ նշանակելու մասին թիվ 1707062433, 1707078349, 1707108627 և 1707113505 որոշումները և երեքը ճանաչել անվավեր նշելով, որ իրավախախտումները կատարել է Ճանապարհային նշանը չնկատելու պատճառով:

Դիմումի քննարկման արդյունքում պարզվել է, որ դիմումատուի փաստարկը չի կարող վարչական ակտը վերանայելու հիմք հանդիսանալ հետևյալ պատճառաբանությամբ.

<<Վարչական իրավախախտումների վերաբերյալ>> ՀՀ օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն: Ըստ նույն օրենսգրքի 35-րդ հոդվածի 1-ին մասի համաձայն՝ մեկ անձի կողմից երկու կամ ավելի վարչական իրավախախտումներ կատարելու դեպքում վարչական տույժը նշանակվում է յուրաքանչյուր իրավախախտման համար առանձին-առանձին:

Վիճարկվող որոշումների հիմքում դրված տեսանյութերը փաստում են, որ դիմումատուին պատկանող տրանսպորտային միջոցը Երևան քաղաքի Սարյան-Կ. Դեմիրճյան փողոցների խաչմերուկի հատվածում խախտել է առկա 4.1.2՝ <<Երթնեկությունը դեպի աջ>> Ճանապարհային նշանի պահանջը, որը տեղադրված է երթնեկության մասնակիցների համար տեսանելի վայրում, ինչի համար <<Վարչական իրավախախտումների վերաբերյալ>> ՀՀ օրենսգրքով սահմանված է վարչական պատասխանատվություն:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1707062433, 1707078349, 1707108627 և 1707113505 որոշումները թողնել անփոփոխ, իսկ վարչական բողոքն առանց բավարարման:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3. Սույն որոշման օրինակն ուղարկել Հրանտ Պարագյանին և ՃՈ ՏՄԶԽԱ կենտրոն:

Ե. Կարապետյան